

Հանրային կրթութեան նախարարից յետոյ պրոֆ. Ղամբարեանը արաւ համալսարանի կազմակերպութեան պատմութիւնը, որից յետոյ խօսեցին Ա. Սահակեանը, Ուորդըրոպը, դնդ. Հասկելը, Պուադերարը, դնդ. Զենկելը, Ասադուլլա խանը, Հախվերդովը, գօր. Նազարբէգեանը:

«Մի քանի օր առաջ, ասաց Ուորդըրոպը, մենք տօնեցինք մի ուրիշ մեծ դէպք՝ Հայաստանի անկախութեան դէ ֆակտօ ճանաչումը: Ես կարծում եմ, որ առաջին համալսարանի բացումը նոյնքան կարևոր է, որքան և անկախութիւնը: Պատմութեան մէջ եղել են դէպքեր, որ պետութիւնները կարճ ապրեն, բայց չի եղել դէպք, որ մի անդամ բացւած համալսարանը կարճ կեանք ունենայ... Ոմանք մեծ կարևորութիւն էին տալիս դէ ֆակտօ բառին. Հայաստանը, յանձին էջմիածնի ճեմարանի, Վիէննայի ու Վենետիկի վարժարանների արդէն իսկ դէ ֆակտօ գոյութիւն ունէր, և դուք այնքան շատ դիտնականներ և ուսուցչապետներ ունէք, որքան որ պէտք կը լինի ամբիոնների համար»:

Գնդ. Հասկելը. — Ես բախտաւոր եմ ներկայ լինելու այս պատմական դէպքին: Անօգուտ է ասել, որ պատրաստ չեմ խօսելու այս նիւթի մասին, որն իմ գործունէութեան սահմանից դուրս է: Ներկայ Հայաստանում կատարւող դէպքերը, աչքի առաջ ունենալով պետութեան հանդիպած դժուարութիւնները, շատ նշանակալից են: Եւ մեծ գոհացում է ներշնչում, որ գոյութեան ծանր հոգսերը չեն ճնշում ժողովրդի կրթութեան ծարուր: Եւրոպայի և Ամերիկայի շատ քաղաքներում մենք հանդիպում ենք շատ հայերի, որ համալսարաններում բարձր կրթութիւն են ստանում, և այդ տեւել է իր պատուղները. մի շարք աչքի ընկնող հայեր կան, որ կարևոր տեղ ունեն և որոնց անունները յայտնի են ամենքին: Այդ համալսարաններում սովորող անձինք յաջողութիւն են ունեցել, բայց Հայաստանի համալսարանում մարդիկ պէտք է դաստիարակեն աւելի հայրենասէր ոգով, քան արտասահմանում: Գլխաւոր բանը, որով ես շատ շահագրգռւած եմ — որ հայ ժողովուրդը լինի անկախ քաղաքականապէս, անտեսապէս և կրթութեամբ (բուռն ծափեր): Ես յոյս ունեմ, որ կարճ ժամանակում Հայաստանը բոլորովին ազատ կը լինի և կախում չի ունենայ ոչ ոքից (բուռն ծափեր): Եթէ կայ որևէ կարիք, որին պէտք լինի օգնել Ամերիկայի կամ իմ ներկայացրած ուրիշ պետութիւններից, ես հաճոյքով կ'իմացնեմ նրանց և կը յաջողեցնեմ նրանց օգնութիւնը: Ճանաչելով այս գործի գլուխ կանգնածներին՝ ես համոզւած եմ, որ համալսարանը անպայման յաջողութիւն կ'ունենայ»:

Հասկելի ճառը հանդիսականների կողմից ընդունւեց առանձին ողբերգութեամբ: Զերմ խօսքերով արտայայտեցին և միւս հետորները, որոնց ճառերը ընդհատուած էին որոտընդոստ ծափերով:

Ողջոյնի ճառերից յետոյ, Ս. Տիգրանեանը կարգաց արտասահմանից և Հայաստանի զանազան կողմերից ստացւած հարիւրաւոր հեռագիրներից մի քանիսը: Ծնորհաւորում էին Վրաստանի դիւ. ներկ. Գ. Մախարաձէն, Վրաստանի հանր. կրթ. նախարարի պաշտօնակատար Յինցաձէն, գօրավար Կարալովը և ուրիշներ:

Ապա համալսարանի ուսուցչապետ Մեսրոպ եպ.—ը ակադեմական ճառ արտասանեց՝ «Հայ վանքերի նշանակութիւնը Հայաստանի կուլտուրական գործերում» նիւթի մասին, որից յետոյ խօսեցին բանաստեղծ Յ. Յովհանն—